

夷牢溪廬詩鈔

夷牟溪廬詩序

德宗

未有書契以前不知上古結繩而治之治象奚若也迨  
倉史造字而文出聲成文謂之音而詩出自三百篇而  
漢而六朝而唐而宋而元明而國朝歷代之詩人踵  
出其間或傳或不傳或偶傳而不能久傳不傳人不能  
強之傳人不能尼之不傳者弗論已其傳者由其精神  
可以十世百世也其精神所由十世百世者必其讀書  
得闕論古有識抉經史之精咀百家之腴而又卽千古  
之治亂興衰身世窮通憂樂所得之閱歷上而聖賢次  
而忠臣孝子下而愚夫愚婦之性情參之而無不合於

是藉物起興遇事致慨而一發之於詩凡天地所生一切飛潛動植之物之不能自達其情狀者舉可於詩而比之賦之古今一切可歌可泣之事舉可於詩長言詠歎之詩之傳不傳與作詩之能事大率如斯而已受形持此說質之世之深於詩者無以異也丁酉冬與黎受生觀察同需次廣州數數相見於衙參當稠人廣座受生與彤不輕出一言性情同漸識而漸與言意趣同相與縱譚天地古今識見同而論詩文尤相合受生論詩文雅不喜揚子雲柳州所謂留覆醬瓿處則充棟出則汗牛馬之說謂詩以三百篇爲極然不能有三百篇

而無漢有漢而無六朝有六朝而無唐宋元明也有一代之人卽有一代之詩詩之不絕於天壤猶日月江河之不絕於天地也匪唯詩然降而辭曲歌謠凡足陶性而移情者或且播之管弦勒之金石詩願可以小道目耶偉哉論乎非深知詩者不能言也因盡索受生之詩而盡讀之乃知受生於經史百家之書無不讀于古今興衰無不悉公車屢躓嘗隨其季父純齋先生使日本者五年足跡踰地球過半合身世窮通憂樂閱歷之所得而一發之於詩言人之所欲言並能言人之所不能不敢言其詩格大有鵬鷲盤空俯視凡禽之概蓋其溯

源於三百篇窮流於歷代之作其所得者深也非所謂精神可以十世百世者歟今年春將付其詩於手民屬序於彤噫仕官中以排擠傾陷爲能則得友難以升沈顯晦爲榮辱則得文字交尤難彤與受生交相冷洽每過從各出其詩文以相質文字之樂於仕宦中得之蓋異矣因序其詩而歸之用以質世之深於詩而讀受生之詩者戊戌春月廿六日桂林弟李受彤燕伯序於廣州之心休休室

夷牢溪廬詩鈔卷一

遵義

黎汝謙

受菴

古今體詩共六十七首

牢溪卽景

暝色墮青蒼蕭蕭滿松竹斜光翻夕陰遠水淡空綠白  
鳥一雙來飛入煙中宿

缺月淡長空疎星落溪水涼露皓涓涓白雲眠未起何  
處老漁歸篙聲入沙裏

悄悄竹風響草樹淡無迹獨抱無絃琴寂坐蒼苔石斜  
月墮前村茫茫太空碧

羊狼道中

以下癸酉

宵深燼落啼螿哀開門早作霜滿街肩輿磕石風力緊  
楓葉打窗鴻雁來野湖山蹊碧蘚滑竹籬茅舍炊煙纔  
試問前村晨飯熟屑和薑桂煮鹽梅

修文道中

荆榛蕭索霜痕新長橋臥波水欲冰山雨滑泥屐沒齒  
林風撲面衣生稜饑腸雷吼藜藿苦愁腹火燒芒角興  
野店山程天欲暝寒飈吹葉滿荒塍

山湖曉程

黃茆落花飛撲車山石犖确行徑斜寒風被面生芒刺

旭日穿林啼早鴉，澗青漲目晴泛鴨。山翠着衣涼透紗，  
草花破露赤迎日。楓葉醉霜紅浸霞，低菁矮麥生路狹。  
古籐瓜蔓當籬遮，山腰老叟足褰屨。屋角幼女頭梳丫，  
利刀纔把舊恨割。苦節又被新愁拏，痛深骨髓力難援。  
癢到肺肝爪莫爬，淚眼見人增忸怩。愁腸着酒森槎朽，  
山昏日冥怨猿鶴。荒田嘈聒聞蝦蟇，穿堂破壁供晚飯。  
粗沙大石鏗聲牙，黍油麥秀果誰主。寒齋白菰眞吾家，  
宵深回憶青燈業。讀書如此何爲耶，善不必福事已久。  
古人先我曾咨嗟，天地茫茫四顧窄。風塵萬里將之他，  
悲歌當哭無可語。出門撲簌已霜華。



宿札佐

廿年懷抱虎龍蟠至此都教夙願蠲萬事不堪回首望  
一身惟有寸心憐茫茫天地竟何往耿耿情懷誰與傳  
鄉思愁心何處說滿庭風露獨愴然

三更後書四句次早足成

落木悉索霜氣凝山家風雨耿寒燈酸情入骨夢猶痛  
布被生稜心欲冰石頂早行蒼蘚滑崖根夜宿白雲蒸  
山橋野店遲行客豆乳寒齏熟未曾

抒懷

善不必福惡不誅造物斷判與人殊侈談果報眞嚙語

篤信神仙亦大愚茫茫宇宙一形器  
渾渾化機隨所趨  
貴賤賢愚任顛倒世閒猶信鬼神無

清鎮縣題壁

日薄山昏墟里煙風嚴月黑夜如年  
心非正鵠箭齊著  
身似秋蟲絲自纏冷淡寒衾愁鐵勁  
呻吟蟲語替人憐  
何時天與還山業歲晚相娛抱膝眠

安平道中

餐風刮面沙塵癩荒塍水滿草色枯  
墟煙落日莽平蕪  
饑鷹擊鵲紛盤紆神悽色沮毛髮豎  
雲寒淵古愁僕夫  
黃茆被原野火燒烏牛水慎眠相扶  
城孤地僻人家少

山腰洞腹懸衡廬入門已是山月白戶低屋矮濶以汗  
破牆滅燈飢伏鼠古社吹火寒號狐衲禡孤冷健如鐵  
夢魂清寂忘肌膚夜深肝肺輾轉轡山家此際良不孤  
入有醜婦出有奴磽土可沃溪可漁小弟持竿姪提壺  
春花秋月行相呼執先生業讀父書遊吾門者學吾儒  
山中甲子樂有餘富貴不淫貧不諛安在車馬苦長途  
形影相問良區區

宿坡堦

木葉成扉石作瓦荆榛補壁竹爲牀紅鷄喚客破孤夢  
白豕與人同一房饕風酣戰屋梁動蚤蝨搔爬指爪長

山徑霜新行更早計程卅里有黃梁

過白水觀瀑

長河噴薄羣山中山勢欲西水勢東劃然崖崩石壁斷  
一落千丈無堪竊疾雷拔山豁谷動白雨噴而來陰風  
茫茫玉花奔絕底滾滾寒雪翻晴空天馬無聲赴猗壑  
銀虹墮影隨飛龍正如勇士遇大敵組練壯往無雍容  
昌黎之文少陵句縱善摹狀難爲工噫余足蹇荒山裏  
舊聞其勝來無從黃鐘吹律此忽到豁達開拓頑牢胸  
狂遊萬里眞矢計對此差足償私衷清寒孤迥入山骨  
岩花澗草煙濛濛飛猱屹鳥跡不到蒼茫獨立遺樊籠

登高回首家萬重山高高兮水淙淙此心如水不可控  
奔騰徑欲追龍蹤

下那邦坡

晨發趨盤江舁輿辭行館沿溪水濺濺陟巖石巖巖雲  
隨谷口流人抱山腰轉絕磴薺麥長廢址桑麻淺憑虛  
鳥影集綠峭牛息喘陰崖揚紫花幽石露蒼蘚林棲夜  
弄絃村縈晨裊篆販豎肩手頰輿臺脛腳塞蠻女足雙  
赤夷兒髮倒辮風枝夕月寒露葉朝光泣骨禿頂猶童  
斑駁皮生癩巖秀吐雲英霜林張火繖迴目怕橫視仄  
步懼寬展空中午聞鷄雲際宵嗥犬草睡角猶葺巢飛

毛始毳足底盤鵬鶚茅頭走蜓蝓紆徐轉羊腸包裹劍  
蠶繭夾背森劍戟迎面列璜瓚山芳紅欲塞田毛碧可  
繒遙騰梯級聯秋叢蟲蠹卷澗聳立如人坡尖危若卵  
十步九折旋前驅後莫覘障日半隱規縮天低覆盃俯  
視一千丈膽顫肢節粟橫絕萬萬年不知風日暖上有  
葛天民未覺唐虞遠計纔五十程晨趨乃至晚回顧所  
來路攀確猶在眼艱哉行路難左計實可覩登巔問白  
雲遊子何時返

由茅口發花坳

朝涉北盤江夕宿花坳嶺雲氣霧輕縹日光射修綆遙

林燃紫煙近岫藏青礦綠坡蟻環角春流鶴啄頸綠幹  
秀玉英黃顆懸金鋌泉布路交橫籐鋪石斜整飢鷹足  
底翔落葉雲閒打覆瓦仰曝臍撐空森列鼎巖葩揚清  
芬澗毛抽秀穎平疇圓旋渦尖峯贅生瘦河石豁欲搖  
峭壁削且迥崖頽獸迹絕箐黑禽響靜紅菀燦秋葩翠  
竹迷春影團岑似戴笠方鄣如畫併撲簾揚碎花塞徑  
橫枯梗岱華失雄尊部婁盡朝請役夫嚇迷魂壯士奪  
其猛如入太古初直到無上境指顧忘所恃性命存諸  
頃巍然古大臣剛正而骨鯁廿里猶轉腰竟日始踏頂  
野草婪絲絲鄉情懷耿耿回望故山雲白日餘短景

上老鷹崖

暮宿花堦嶺晨陟老鷹關赤霓霏漠漠青石森盤盤  
仄驚魂喪一步一回旋洞口生聚集巖腹衡茆懸日篩  
影瑣碎石挫聲潺湲紫蓼醉秋色綠蘿搖暮煙蔓草書  
丹篆莓苔鋪綠箋過窗雲淅淅拂袖霞鮮鮮怪鳥聳黑  
角修崖鑱蒼天山鬼弩愁目老木張空拳憑虛鳥顫怯  
梯險猿環連菱芡長紫利陽荷傾碧圓葉妥巢毒螫茅  
伏聞腥羶石磴立羊角竹根垂馬鞭班毛爭嫵媚錦翼  
相輝妍仙芝挺秀實靈藥發華顛冥飭滴汗髓幽縫漱  
寒泉轉步怯礪砢鈎衣遭曲卷蠻苗鬢右髻輿臺袒左



肩鳥飛不能到徑欲巢神仙造頂展願視不覺天地寬  
客懷空快悒離緒增忿悵斜陽渺茫茫家在山外山

宿平夔

大父當年令此閒我來作客有因緣循良不過二千石  
風韻如今三十年父老猶能談舊政遺民多半化寒煙  
江邊棠樹陰森茂撫掌摩挲意黯然

由平夔到白水

辭家已過一千里身世虛驅二十年博得萬重山跋涉  
恰纔三百日團圓雲垂曠野孤鴻警月冷寒塘獨鶴拳  
紅袖青衫數行淚臨風揮落向遙天

宿白水 以下卅成

終日肩輿睡復醒  
暮投旅店當家庭  
厭看土石皆丹赭  
忽喜林巒擁翠青  
近坂葭花濃似雪  
遙村燈火小於星  
五更雞唱催行李  
滿地霜華不暫停

足食足衣斯足樂  
希名希利祇希忙  
新詩莫狀別離况  
快劍難芟兒女腸  
乍見閒花頻惹恨  
偶逢野草倍思鄉  
西風斜日霑益道  
愁緒如絲萬丈長

過平蕪所

忽障南嶺月  
四圍蠻花  
犵鳥劇堪憐  
恰纔去國一千里  
已勝殺荒十九年  
勵治正羞張趙酷  
安危未信孔桑賢

平生結習狂遊在，非固西湖訂夙緣。

兩頭河旅舍

下第深冬赴古嶺，歸期方及仲春前。山芳紅處啼姑惡，  
湖草生時叫杜鵑。老木蒼藤纏絕竅，菜花蠶豆繡平川。  
荒程古驛疏林晚，六詔山河夕照邊。

爲底倉皇萬里遊，陌頭柳葉已叢稠。桃花笑我作長客，  
草色累人生遠愁。馬上文章期肯首，閨中錦字寄從頭。  
青春作客傷情甚，况復身如不繫舟。

接家書

千里家書手自持，緘封欲啟又遲遲。怕看辛苦艱難語，

動我羈縲憂思思累贖惟言一貧字愁懷翻恐別人知  
須知落窻淒涼處卽是融風冶日時

遲到家山字一封持緘未拆已愁儂遙思楮墨紛拏處  
都帶冰霜慘淡容盡說饑寒情切切爲言累負語重重  
盛衰物理尋常事坐看池魚會化龍

夏軒 庶誠

從叔至貴陽寓次三日旋歸短章送行

以下  
乙亥

男兒志彌矢長大各分散吾生廿三秋相期不及半自  
脫旗雲來性情如一貫月夕數聯吟芳晨屢賞讚有酒  
必共醉有花卽同玩我循詩禮遺子無畦畛判覓句巧

牴牾愕顧發一粲池宇築新成竹石隱畫縵索我夷園  
吟日屢踰牆喚聚笑六月纔世事忽汗漫倉卒檢行裝  
背面成冰炭昨日天作緣好風搖羽翰闐然隨我前懽  
顧各驚歎盤殮三四朝悒快迫歲晏秣馬脂我車將歸  
坐待旦耿耿心一寸鬱鬱腸千段預約抵家山慎勿魚  
書斷明年長綠蕪相期晤里閭

乙亥領薦北上至鎮遠卻寄功甫兄

次彌

記得髫齡識字初夜深燈火課吾書如今翰墨生香處  
猶是先生咳唾餘

七年依聚馮門山弟唱兒酬英妙年老輩凋零書帙燼

賴兄述舊守殘篇

千頭萬緒在胸中紙短情長話不窮  
開筆又嫌說不盡此時心思太慇懃

至常德述懷寄家山諸兄弟

憶昔咸豐初吾儕年幼小桑梓未邱墟  
林園儘安好兩世健生存數家同爨飽  
伯叔而舅甥姊妹暨姑嫂濟濟一堂中  
趨承怡二老廬園沃以廣房闔廠而窈  
比輩十三人羣若同林鳥夜讀共青燈  
朝研並碧縹聯席劇談笑背人相戲  
刪時逢長者來怒罵兼榜拷竊紙弄筆  
硯澁漫鈔詩稿塗改字欹斜龍蛇雜蔓  
草削竹彈飛蠅剝

笋森指爪鑿壁研丹砂梯高竊梨棗春明競踏青秋場  
爭簸稻有時怒相隄亦或戲相抱積各五六年賊烽四  
境擾廢讀幼歡呼逃生老驚倒稚弱相扶攜昏暮踣泥  
潦烈餓日駮駮妖氛愈浩浩苦饑厭糝糠嚴寒無袂襖  
倉皇走親友棄置傷黃鳥長歎望故鄉聚眾守城堡弟  
兄四五人鬪學共昏曉夜深課讀疲抱薪炙餅勦旋入  
黑甜鄉直到日出卯勞我工甫兄改詩極幽討積三四  
年閒韻語差了了每值擬題來研鍊精詳考偶哦五字  
佳忻如獲至寶同學互稂莠夸耀矜文藻十五習時藝  
脫紙便清矯似有夙慧然天籟勝人巧倚門有朱櫻纍

顛攢屋椽記吾漢生弟梯枝展裊裊大父母繼逝先烈  
誰述紹維時年十七擔囊趨縣考再戰俱放黜閉戶仍  
深造大力九鼎扛筆陣千人掃十九序蠶宮冠軍非屈  
撓明年食廩餼村塾謬師保是後學殖荒長被俗情繞  
癸酉秋闈罷兄弟各頭掉悲亡嗟故存寸心常愀愀出  
門天地窄愁焉心如擣謀食走南濱凝霜爰載道羈遲  
甫四月令我形容槁還山理舊書手柔亦弓燥到門少  
賓客庭戶生蓬葆避患旅貴陽慈母沈痾攪終朝憂忡  
忡舊學皆荒沓乙亥領鄉薦奔走風塵繚乞代徧親知  
乃著京華歷百苦達湖湘已是仲冬杪晨雨晝淒淒昏



波夕皎皎回憶鳳鸞侶離多歡會少青燈伴耿介白雲  
迷縹緲孤舟夢獨醒淡月魂初悄黃卷想兒時芳味何  
綿邈此去過金陵何時達豐鎬皇圖眞壯哉山河無表  
表明年蒲酒香可否瞻庭燎

湖南澧州皇經閣旅舍寄從弟

汝恒

記昔同遊處依稀似目前孤燈寒聽雨老屋夜談天削  
竹論家學傳薪誦昔賢化龍橋畔路離別忽經年

橋在貴陽

省城

反嘴阻風

連日逆風吹不止纔信南風北風起我舟南下風北來

十日方行四百里船篷偏仄風似梳轉眼已是伏臘初  
羈愁如絲掃不去酣眠惰食空居諸山河迢遞心如箭  
百感茫茫八埏徧遙憶紙窗竹屋人紅鑪燈火何安晏  
此去京華萬里餘殘年猶食武昌魚何時策蹇蘆溝月  
何日看花紫陌衢自笑人心苦不足未得爲榮得卽辱  
心無止足境無窮大造何由厭其欲平情索理且自寬  
素位何曾愧素餐就茲宛轉艱難意已勝窮途行路難

乙亥除夕舟泊京口上二十里風浪大作舟幾傾

覆家君及同年華樾五

聯輝

皆驚起待旦舟人

駭愕倉皇失措余方擁衾熟睡家君亟呼余起

時夜將半舟離岸僅數武屢撞幾敗及余起而  
風浪漸靜舟人亟移泊江心始得免傾沒然風  
急浪湧谷應山鳴飄搖簸蕩如懸旌然至次日  
辰刻乃止余行江湖是亦奇險也

三日北風吹不止舟行寸步如千里一夕霜風薦地來  
船尾船頭人盡起我獨酣眠擁布衾五更風浪勢猶眩  
凌晨起視羣山白漫空雪點猶紛紛南風候不來北風  
吹不已遙計春明路八千臘尾春頭能有幾漢陽北望  
煙蒼蒼咫尺不見愁中腸明朝臘盡迎新歲依舊停撓  
水一方此行萬里京華路二月光陰等閒度風兮風兮

吹不停吾何獲咎公何怒武侯臺上乞東風東坡禱海  
勤神功我雖孱劣遜二子精誠實與蒼旻通胡爲彌月  
留滯漢江干使我長歌行路難

去臘自沙市附賈舶東下北風彌月舟行日十數  
里凡二十餘日始至京口度歲正月二日天色

微霽北風稍息黎明開駛午刻已抵漢口欣然

有作 以下兩子

順流東下北風嚴一日舟行十里雖夜犒榜人倒牽絳  
匏行寸寸如上灘夜鼓三更請停止問程纔及四五里  
風大風小俱不行只爲船空無鎖耳歲行盡矣雪蓋山

我行乃到京口開家家燈火慶年事我舟寂寂仍牢據  
新正二日風暫已布帆不挂行如駛水程六十纜一時  
未午已抵漢陽市勞生何敢乞順風但得無風已有功  
人生何事非如此智力怎與天爭雄

登晴川閣

晴川高閣一登臨滾滾江流自古今天際輪舟烟似墨  
漢濱檣影密如林旌麾陶侃思雄畧詞賦禰衡起歎音  
百戰沙虫餘故壘荻蘆寒雪祇蕭森

渡江登黃鶴樓

自從崔浩題詩後無復人來登此樓棟宇廢興知幾度

詞人遺詠尙千秋胡公祠屋憑高閣黃鶴神仙據上頭  
鸚鵡洲沉隄樹盡河山千里豁雙眸

正月九日自漢口附輪舟至鎮江買舟渡江達揚  
州

輪舟東下飛如馬一日來至金焦下躉船暫宿人嗷嘈  
雪點風梳如曠野輕舟晨起趨瓜洲半日可達清淮流  
我舟寸寸賴牽挽昏夜始抵蕪城樓登堂拜叔及諸母  
見我衣單顏色醜屠停六日遂北征餽我百金意良厚  
維揚亂後瓦礫平紅樓翠幙盡荒荆二十四橋空夕浪  
平山堂址亂秋塋舊蹟惟存萬佛寺樓殿依然鐘鼓備

山門大刻勅建文佛堂香火繁成市我來作客太恩恩  
未及清游訪舊蹤乍讀漁洋古詩卷令人長憶盛朝風  
自揚州買舟至淮安

一舸鴟夷得自由信風五日入淮流黃河故道成平陸  
洪澤荒波湧巨洲風土由茲異南北道途從此換車舟  
鮑家古店猶全盛犖確輪蹄起客愁

自淮安換車到京凡十八站淮安至泰安七站皆  
山路輪鐵與石相碰顛簸震蕩腦髓俱裂頭額  
常傷中原行旅之苦無逾此矣

淮安至泰安計程七日耳行旅舟易車辛艱從此始終

日緣山行地平無尺咫山石聳犖曲仄不容軌車輪  
與石碰訇磕火星紫左輪遇微窪一跌如城圯右輪撞  
卵石書若翻江水左阮跌未還右石又礮起但覺天動  
搖不知命生死若騰百尺高突落千丈底腦震髓欲空  
頭傷血如洗顛撼祇酸心振蕩惟咬齒偏窄凍癡蠅伸  
縮不由己拋擲盤走珠簸揚風漾糝跌坐擊頭顱卷眠  
傷臂指不知有肝腸那復計踵趾當家北人稱車夫爲當家慮雨  
滑日趨二百里四更促登程二鼓方宿止過午得早餐  
飢渴交攻裏古稱行路難環球無此比問君何苦然傷  
哉功名事



過泰安望岱嶽

吾黔固多山詭譎不可狀然皆山戴山雉與平壤兪齊  
魯皆平陸泰岱獨雄壯綿延氣脈長特聳精神旺倚天  
拔巒萃矗地竄依傍巉刻露峻嵬起伏肆奔放神秀絕  
嵯峨晴嵐浮潏漾巖壑夏陰森風雲曰虛容渡脈自遼  
萊立說似奇剗然以河徙論理確猶非妄古人定五嶽  
至義難誣誑非獨喜崇高要以特立尙不爾崧高山稱  
嶽豈非浪嗟我絆浮名未得攀其上遙遙揖山靄終當  
一游逛

獻縣道中

十里長隄五里橋紅闌碧水影迢迢風光絕似江南道  
菱渚蓮湖次第邀

過永定河

幽燕二月冰未泮我車日從冰上踐未到桑乾數日前  
聞說桑乾不可亂我聞此語滋疑惑驛路官程豈容絕  
果然東道不能通同路公車尙千百不日來至桑乾前  
旅舍均言冰尙堅凍蒲舟膠今漸解不勝車馬不容舩  
我恃鄉情乞官署請遣官役呼官渡吏言冰厚不能舟  
官今亦纒蘆溝去同行車馬去如龍我亦飯後相追從  
已見紛紛傍隄走果然舟楫無由通說道沂行四十里

上有私渡舟能駛沙深風緊日沈西甫到渡頭卸行李  
目擊河冰薄未融北涯一綫流淙淙馬蹄踏冰如踏空  
斜行里許立河中當家挽車僕牽馬馬驚蹄踢無地下  
薄冰久立候船回船小車多不容假同行結夥恃橫強  
爭先競渡如風狂我獨孤身無侶伴勢將暮夜宿河傍  
淚眼低眉乞舟子船費二千吾立與請將車馬早登舟  
謝君高義無終已舟人見我行色悽果爾前來相挽車  
水急浪翻舟似箭放船已抵北沙隄是日大風揚塵起  
石走沙飛雙目眯縕袍單薄風如刀待馬河干寒欲死  
旁觀有客問姓名怪我孤身萬里行此道南來無伴侶

直將身等鴻毛輕我聞此語生感激事已至此復何說  
客言與我同伴行可保前途無害賊驅車暮夜抵黃村  
當家不肯隨他人請朝分手入城去客亦不知何處身

入都

瘦馬羸車入帝都虎狼官吏似追逋傾箱倒篋憑搜括  
弩目揚眉肆嚇呼本爲求榮翻得辱祇因無侶勢尤孤  
關門更比森羅險苦望文章起餓夫

丙子下第

一第何嘗定辱榮奈何親老更家貧欲蒙利祿無他徑  
敢謂文章果負人有路難歸思作幕無金買爵祇霑巾

出身仕宦終須此滿擬明年筆陣新

天津旅夜

下第留京苦乏貲析津謀食薦書持冲衢寡識春游少  
旅館無眠夜睡遲堂上貴人繁僕馬窗中窺客獨支頤

時正定鎮總兵葉住上舍廉甫爲天津縣與先世有舊  
督衙列戟深如海名刺惟應令尹知時蜀人蕭

夏日都門七井兒胡同張宅卧病

會館人喧雜移居傍友朋室西常受日地穢喜叢蠅病  
下愁無厠驅炎幸有冰馬牛多熱斃暑退就歸程

宿長興店

秋氣清涼自北還，長興古驛暫停鞍。  
卽歸預恐貧難住，久客還愁覓食慳。  
野店風霜重，歷練長途車馬又顛連。  
亦知仕宦多艱險，只惜家無負郭田。

過正定府

壠坂陂陀雉堞宏，滹沱如帶浩盤胸。  
半城黍稷秋風裏，十萬人家夕照中。  
元代故宮餘石虎，粵王先壠渺沙虫。  
河山南北茲其塞，莽莽平原氣象雄。

夜趨邢臺

青天如幕澹明河，耿耿疎星露入莎。  
樹影微茫天際合，水光淡沲月中多。  
前村燈火流螢閃，曠野鷄聲犬吠和。

深夜馬蹄行更急騶兒無事苦鞭呵

過邯鄲

邯鄲佳麗舊知名爲是繁都徹夜行紅粉樓空娼婦盡  
顏垣荒店古今情

廬生祠

壁上題詩有幾多盡將身世付南柯人生畢竟須衣食  
寒餓神仙可奈何

亦知學到神仙好幾見神仙度世人若果世人都度盡  
清虛何處置閒身

池州道中

夾路芴連沼汜多田田翠葉長新荷風光絕似湖湘道  
白藕紅蓮趁眼過

香稻黃連水滿陂池塘處處浴鷓鴣微塵不動輪蹄緩  
正是秋風穫稻時

湯陰縣

路入湯陰縣陂陀石徑斜地磽荒菽麥城小少人家岳  
廟松栢老空庭石碣除樞衣肅瞻拜望古一長嗟

淇水

淇水碧如油悠悠可咏游白沙清見底綠竹夏成秋風  
景今猶昔詩人詠不浮漪園遺蹟在何處有松舟



渡黃河

行近黃河意已愁，黃茅白草氣凋飈。  
荒隄階店難羈馬，近岸垂楊少宿鷗。  
淺處泥舟深滅頂，風時停櫂雨開頭。  
舟人謂開天將一水沈中夏，百萬爲魚實可憂。  
船日開頭

過新鄭

虎牢形勢至今存，長塹深溝縱復橫。  
盡使低原成斷絕，直從平陸起崢嶸。  
爲邦子產多奇畧，接壤荆齊浪會盟。  
溱洧遺風銷不盡，入簾勸客聽彈箏。

葉縣

漢水方城蹟未迷，葉公古邑尙繁滋。  
北來都邑茲其盛

十萬人家午飯時

襄陽懷古

南北襟喉古戰場  
亂山無主夕陽荒  
壽亭祠廟增巍赫  
羊杜碑題付渺茫  
漠漠平原經戰伐  
滔滔漢水送興亡  
夾河雄鎮連塵肆  
舟楫輪蹄日夕忙

自樊城買舟至常德

久厭車馬勞  
欲就舟楫逸  
便買襄陽舟  
暫辭顛撼厄  
顛脫塵埃侵  
卻憂風水急  
布帆但信風  
道里難記識  
八月長湖濱  
蓮蓬秋瑟瑟  
時有採蓮女  
蕩舟入深碧  
或操盆與盞  
采葉復采實  
行行至沙陽  
長隄不可越  
芳樹綠成

蹊徒步津頭楸復此易輕舟信宿江陵邑溪平風水靜  
村村煙樹密逢墟便問名過市卽停船得風興固佳無  
風意亦得歸思本無端悠悠過晨夕一朝復一朝問程  
已常德

過桃源縣

昔讀桃源行深慕桃源地今入桃源路山水果幽遠島  
嶼羅清深林巒鬱靈氣州邑仍舊名洞門今古閉當時  
路已迷此日安能至或謂淵明記寓言寄微意聊以託  
遐心不必實其事吾謂宇宙開何地無奇異豈無避亂  
民生聚成村市耕田養子孫遂以歷代世地僻鮮人知

山深絕官吏但知禾黍香不識漁鹽利漁人偶探入見  
客稍粉飾傳聞增附會遂作神仙記試讀桃源詩遙遙  
發深憶

桃源道中

桃源山水清且幽層巒峻嶮送行舟桃花自紅洞口閉  
縱有仙源何處求

桃源山石潤而堅琢爲玩器人爭妍山清水碧孕靈秀  
安知不復巢神仙

行至桃源便欲家男能耕鑿女桑麻巖壑陰森水清駛  
不須更問仙桃花

桃源溪水清且深  
我行陸地夷幽尋  
青林綠岫相追送  
風俗龐純猶古今

沅州大橋

沅州大橋百丈長  
直自城闕跨河梁  
連亘列肆排兩旁  
行人來往成熙攘  
貿易勝似城中央  
月洞高拱百尺強  
舟行至此卸桅檣  
沅江日夜流湯湯  
城旁隙地廣而方  
胡爲爭此尺寸疆  
臨危跨險懸蜂房

夷牢溪廬詩鈔卷一終

夷牢溪廬詩鈔卷二

遵義 黎汝謙 受蓀

古今體詩共一百四首

鎮遠府

絕壁巉崖高插天，凌空凸出若屋椽。  
無溪奔湍噴巖足，隙地平無十丈寬。  
市廛衙署置巖腹，柱水爲樓上結屋。  
崖壁崦岫活欲搖，終歲常臺石崩覆。  
閭閻沿溪數里長，巖爲城郭水爲隍。  
壘石短垣分八段，憑危據險如金湯。  
綠營衛城隔溪峙，山勢迴環開迤邐。  
倉坪山勢突峻峭，凹凸交可束江水。  
峽口垂虹萬里橋，橋頭兩洞橫巖腰。

倚石嵌巖結茅屋樓閣嶙峋翳松竹人從石縫繞盤紆  
儼若蟻穿珠九曲十步一樓五步閣檐楣關楯憑虛著  
下視風帆葉葉輕巖石飛鷺驚欲落樓上還皺千丈巖  
蒼藤古木垂繆繆猿猱飛鳥不得度直疑從此分仙凡  
道人有道懶揖客我亦久坐天曛黑下山呼艇渡江來  
明日肩輿看山色

到家

萬里生還日全家離散時堂護違色養風木永傷悲弱  
弟猶僑寄貧妻尙病羈敝廬故無恙何事苦支離

時家屬與

舍弟尙  
寓貴陽

祖宗邱壠地十世長兒童松菊荒蕪盡田園典賣空徒  
家謀近拙衣食計真窮固守猶長策奔馳定少功

度歲

歲行盡矣百無聊老屋青燈夜闌寥餓臘無心焚瑞柏  
迎年懶自獻香椒山堂綠萼凌霜綻大嶺丹楓帶雪飄  
姑寫春聯作年事強書吉語解人嘲

貴陽秋感

以下丁丑

一第徒然困此身仍將筆硯苦依人家無儋石常爲客  
餓有詩書不濟貧打砌梧桐增瑟縮近牀蟋蟀伴伸吟  
青燈領畧見時味百感中來獨慘神



盤谷新宅落成

家住夷牢水經今十世傳地因分析偏盤谷謀新遷買  
山誅草萊置室基荒田墜建五架屋重以樓三間堂前  
翼兩廂茅葢竹爲椽四壁竹塗泥石灰潔而堅廂右置  
井竈豕牢牛柵環山勢西北來圍抱曲几圓右嶂楓林  
青左嶺高摩天貓山蹲若犬踞伏當門邊遙山盡朝揖  
排列玉笏班鐘阜立中央端拱如神仙清晨新雨霽蒼  
翠浮嵐烟澗水左轉右衣帶環門前柴門俯田塍高下  
梯級連磽瘠小於舟耕穫難相權補綴如僧衣爲宅全  
其偏宅右浮小邱屏蔽如籬籓行人過其下不見此檐

端蒙茸長椽栗風葉搖偏反屋後隸纍纍藤刺相鈎牽  
不知何代人祭掃空荒寒土垣繚周迥畧避虎狼攀其  
後新種竹蕭蕭十數竿日夕望新筭期以補籬垣墻左  
闕菜畦瓜蔬四時鮮雨水蒔丹椒秋分栽白蓮白蓮菘  
中一種  
田塍植女桑橫斜連陌阡預思五年後舉室衣重綿吾  
兒創造時風雪正漫天鬼母夜深啼虎狼號林閒山阿  
無四隣不聞鷄犬喧日夕護工役所慙何艱難今茲見  
突兀墻壁周以完兒乃還故鄉不獲居數年父命守先  
塋宗子理固然我獨蒙恩私自顧何能安還思十年內  
樹蔭成林園耕田長子孫百世長綿延

種竹 以下戊寅

祇因屋後爲人地，田埂齊檐礙築牆。  
分得森森數竿竹，半遮垣缺半陰涼。

種桑

乞得桑秧趁雨栽，田塍籬畔巧安排。  
已思綠葉成陰日，雪白輕綿煖上來。

灌園

別種分畦要及時，土渣草滓必勻宜。  
紫茄青芥分冬夏，春韭秋菘喜糞脂。  
欲引瓜藤柴作椽，爲妨雞犬竹編籬。  
山家飽啖冰霜味，魚翅熊蟠未有茲。

耨耕

瘠田十數畝全家食所天當春不蓄畚歲暮將飢寒半  
以付佃耕半以習艱難雨水泡穀種清明曬秧田芒種  
插新禾秋分穫早秬犁泥須深平泥平水不滲插秧貴  
根紆根紆稻始繁苗長貴耘耨耨勤碩且堅秋風打稻  
時穰種黃雲翻曬涼復簸揚無廩將棄捐背負還手擎  
幸有樓三閒吾室與個人均得度今年若倘任荒蕪粒  
食何由餐

穫稻

終歲勤勞後秋成期滿倉刈莖宜夜露束秉趁斜陽遺

德貧兒拾嘗新婦子忙幸逢風雨順旱澇得無傷

傷兩姪先德龍德

汝父珍憐汝提攜掌上珠清華同玉樹娟秀映冰壺兩  
歲傷無母連朝苦窳予胡爲纔弱歲一病遂亡軀  
汝生纔半歲汝母卽喪亡失乳身多疾重慈寢亦忘辛  
勤勞保抱壽命冀綿長何以來隨祖沈疴七日殤

貴陽老古巷卧病

山中無隣苦荒僻癘疫七朝殤兩姪拙妻同病日沈綿  
更乏醫師兼藥石三姪偕來遽喪二沈疴今復丁其一  
醫云新宅風氣惡不蚤遷居還有失吾聞此語悚然驚

奉親挈眷走城邑初停於館費不支繼賃做廬權寄室  
醫藥時時苦浪奔病狀綿綿無已日八月中秋日嚮晨  
我忽卧牀如繩繫渾身肌肉湯火炎四體筋膜刀架刺  
醫言脉象中風邪羌獨桂枝理無效果然藥至病霍然  
那知越日復原疾醫言是又被風欺仍服羌桂痊可必  
原方再進疾果瘳醫藥相需不絲溢誰知認瘧作風邪  
屢汗中虛去復集頻連六日表三遭元氣虧傷成險急  
是日停午忽暴下勢若河傾病全逸炎熱冰消百體輕  
氣爽神清斗安逸吾聞百病愈過速十九凶多少佳吉  
安排死骨葬山阿親老家貧私飲泣宵深三鼓氣頓脫

絲纒奄奄纒一息自知頭顱至胸臆眸子炯從雙乳出  
夜拚藥肆購洋參入口蓬蓬微有力天明氣屬畧能言  
日再參著並苓朮蒸鷄炖鴨魚牛汁兩月調治漸充實  
頭童目眩似嬰兒舉步須扶行傍壁一生九死得生存  
材拙闕羅不收卹從此當名劉甦生還著太倉添一粒

喜工甫兄至

經年不見見三喪一弟猶先兩姪亡兄貌悽涼神亦愴  
吾身憔悴疾初康蕭條深澗門常閉冷淡新年氣漸揚  
共喜高堂仍健飯天衢有路好騰驤

己卯北上

以下己卯

四年不試北風寒又歷人開行路難布被緼袍禁雨雪  
驛程山店乏盤餐蕭條行李同儕少羞澀奚囊役僕艱  
不有聖恩輶傳賜那能射策到長安

玉屏舟中

斗大山城傍澗溪白沙翠竹帶平隄家家截竹售簫笛  
處處編籬種菜畦水入沅湘清瀾瀾山連黔楚碧萋萋  
蓬舟不柁無帆幄雙槳隨流勝馬蹄

武陵舟中

孤舟寒雨不成眠一度相思一黯然片刻已教腸百轉  
那堪長夜永如年



名疆利鎖苦牽連  
歲歲瀟瀟各一天  
卿不負儂儂自負  
恐將雲鬢付流年

爆竹家家樂歲時  
別來情緒怕尋思  
關山一枕魂難越  
夢裏尋卿知未知

年少光陰等逝波  
恐將春夢等閒過  
蠅頭蝸角真何物  
祇爲家貧喚奈何

裘馬棲遲天欲霜  
單寒翠袖更悽涼  
妝臺近日無顏色  
蟋蟀聲中夜正長

夢裏尋卿卿不知  
薄寒天氣欲霜時  
遙知近日深閨裏  
應亦無心弄粉脂

公安道中 以下庚辰

終日肩輿走大隄人煙寥落岸東西  
葦蘆結屋慵留客  
濕柳爲薪旋煮糲矮麥青青瀕沼澤  
菘菠蓏蓏列町畦  
夜深奔命投前店獨自高歌踏水泥

荊門州

荊門山勢鬱蒼蒼白草黃茅石氣涼  
地接襄樊成大邑  
水環江漢據中央驛傳太子名猶在  
村記明妃址不詳  
野店山程帶行李秋風秋雨過當陽

趙州署中題壁

時州牧楊公文菴 蘇本  
方勸民種桑稻日督工

役種植以爲民先蓋古循良吏也詩以紀之

十畝桑秧謹護持  
栽枝接葉費尋思  
行看滿縣成陰日  
勝似河陽花發時

欲化窮州富綺羅  
種桑處處勸民歌  
每當里老完租日  
苦問桑苗活幾多

新闢桑田十畝寬  
村莊兒女任游觀  
春時分種村村送  
要令三年見綺紈

涼露清秋雨霽天  
午窗晴日我猶眠  
公歸笑說今朝事  
已種桑苗滿一千

棗樹青紅覆過牆  
秋來打摘任人嘗  
街頭兒女爭先拾

倚著斜陽各滿筐

種穀成畦傍署邊汲泉鑿井導民先欲將潯水供輸漑  
麥隴瓜疇化稻田

卅年忘是宰官身民吏如兒意氣親乍遇村農先問詢  
今年風雨可調勻

棗樹桑林處處佳青葱綠韭四時偕閭閻衣食猶龐朴  
作吏如斯大可懷

比干墓

繞道停車謁比干蕭蕭邱隴似平巒墓前石子留心蹟

不如

亭上碑題識聖顏

世傳其碑為先聖孔子書

萬古忠魂空酒淚

言  
卷之二  
一  
一生事業在癡頑頽垣衰草斜陽裏拳石攜歸重若山

出都

冬去秋旋近一年寶山重到僅空還到家翻恐慙妻子  
沿道無心計食眠愁極轉妨傾大地恨來直欲咬皇天  
平生第一傷心事未出都門已黯然

到家

下第歸來百念灰預憂債累迭相催米鹽凌雜愁朝夕  
衣被穿汗溷土埃歲暮資身窮百計高堂望眼日千回  
筆耕墨播猶無地苦抱遺經對雪開

無屋無田寓筑城途資節嗇不瘳貧妻原乏食常依母

僕爲無金改事人魚肉艱難供菽水門庭寂寞寡賓親  
蕭條四壁年垂盡那有椒盤獻歲新

山中雜詩

小雨濛濛競插秧連畦井字條成行夏晴晷刻分溝水  
未許輸人一寸香

種竹竿竿補後垣眼窵新筍壓茅檐還思解籜成陰日  
帶露親燒飽眼饒

綠林雨霽菌成堆采擷攜籃日數回洗淨青苔煮鹽豉  
芳香鮮脆一時來

雨後田塍瀼瀼流新秧沒水寸尖浮家家放缺歸溝瀆

閒殺山邊子母牛

牟利時時栽杜仲  
思衣處處種秧桑  
卻愁長大成陰日  
已被寒飢凍餒僵

澗水濺濺山腹來  
嶙峋石罅長莓苔  
空山靜夜鳴琴筑  
和答松濤徹耳哀

香稻熟時躍蚱蟻  
水花開處立蜻蜓  
籬根促織催寒女  
屋角蛛絲網亂螢

扁豆黃瓜正及時  
分畦別畛綠參差  
紆餘藤蔓連簷際  
插架編籬折竹枝

小鳥啾啾隱樹枝  
和鳴引類語差池  
暖風旭日朝光裏

讓爾逍遙快一時

春雨淒淒滑隴坡行人愁歎老農歌  
做天莫做春三月  
麥要清寒蠶要和

芸苗天氣半陰晴  
殷殷輕雷隔嶺鳴  
牆內泥乾牆外濕  
水東雲黯水西明

村落條條水漫塍  
青秧棲畝亂鬢曛  
乾編作牀頭薦  
絕勝簑衣摺疊稜

連村槲葉養山蠶  
篋笠楓人杜鳥啣  
四十日中晴雨半  
收成十倍不嫌貪

菜花十里燦黃金  
蠶豆連畦水墨深  
行過板橋人意懶



東坡詩集卷之二  
一  
坐看上冢祀清明

打稻聲中日已西  
大槐高柳綠陰齊  
霜前未可餐紅子  
渴後剛宜摘刺梨

紫蕨連山鷹爪支  
竹根深澗馬鞭垂  
櫻桃粒粒懸珠顆  
新笋纖纖刺玉肌

白李紅桃次第開  
朱丸碧實纂纍纍  
鶯銜未盡枇杷熟  
蘋果楊梅接續來

不種柔桑喜養蠶  
崖籐屨柘互相參  
蘭如鴿卵兼堅粟  
只惜纈絲法未諳

鶯粟花開燦白紅  
遙阡近陌紫霞烘  
花殘碧果肥如卵

晚割農收汁滿筒

桃樹枝頭接李枝實成桃李味兼之同根異果殊名實  
萬化何窮在主持

猴栗叢叢蝟刺包剝來小火漫煨炮磁瓶盛滿茅台酒  
野味芳香勝饌肴

南瓜蠶豆嫩時甜苦笋青椒更召饑雪裏寒菘伴蘿服  
未如蜀黍煮來甘

社鼓鼕鼕祀社祠村翁歸去醉如癡兒童竹馬相扶掖  
已是柴扉月上時

插秧處處唱田歌南陌東阡笑語和最是今年好風景

莫將時節等閒過

山莊原不愧平泉何事幽居實可憐不到功成名遂後  
佳山勝水總徒然

感懷八首

時居貴筑西鄉盤谷新宅

風靜日暄妍年華二月天物情皆自得人意亦安便斗  
室饒春氣披襟任自然菜根聊果腹卽此是神仙

築室空山裏田家共往來乍看隄柳發知是早春回悉  
泯是非見全忘得喪懷無求卽是貴何必到蓬萊

吾愛悅坳叟清癯野鶴閒衣冠徵古處風雨掩柴關身

世一瓢外情懷二友閒詩書同夙好何日共追攀

懷鄭子行

平生真學友尹子共心肝無日不相訪高堂賴爾歡  
囊時檢點杯酒共盤桓貴筑一揮手三年鼻已酸懷尹伯垂  
吾生罹世亂少小適家貧替母縫衣綻從爺搗藥糜脫  
簪添試費翦菜款佳賓回首悠悠念恰子報未曾

大母昔衰病勤劬三載餘孝行過姊姊節烈動鄉閭  
命竟如此蒼天曷問諸懷哉吾不遇恩義竟成虛懷文氏

髫齡從我學猶子更師生適幸青衿領堪娛白髮情孤  
孀今兩世祿養冀微名單獨誰憐汝平生寡弟兄懷棠姪

昔也予年少家貧未就師蓬廬風定候竹屋月明時子  
細頻趣讀辛勤爲改詩十年如一夢踪跡更支離懷丁甫

辛巳中秋後六日訪邱氏廢園

園在畢節城內  
以下辛巳

卅年池館盡蒿萊  
細雨寒煙鎖綠苔  
酒舫笙歌歸浩劫  
書樓細帙化塵埃  
風流韻事思前哲  
夢幻興亡感廢才  
衰草荒波秋漸老  
我來憑弔不勝哀

當年全盛未多時  
醉柳眠花到處宜  
屋老任人分占據  
庭空無主賸題詞  
荒池古樹增寥落  
剖豆分瓜聽轉移  
一笑繁華易消歇  
滄桑世事總如斯

我本夷牢溪上人名園  
花木四時春葑亭  
風月聯豪雋  
詩隴弦歌盡上賓  
十里林泉罨似畫  
數重樓閣淨無塵  
自從劫換紅羊後  
往事淒涼不可論

觀人觀我兩淒然彈指光陰憶往年華屋烏飛餘瓦礫  
高臺鶴去老雲煙側身獨立長懷古搔首無情欲問天  
閱歷興亡增感慨且將詩句付流傳

奉酬阮小岑上舍楊慎齋孝廉吳寶卿秀才見贈  
大雅久不作今逢運會昌難得二三人馳驅風雅場賤  
子甘暴棄謬誣珠玉章譬如齊晉雄下盟邾莒邦韻語  
雖小道亦自視中藏卓然古名家要各具短長但願互  
磨礪毋爲交頌揚庶幾追古人允爲吾道光余懷若谷  
虛敢希同調商特此示諸君宜勿笑荒唐

浣誦琳瑯篇畏如錐在背劍氣固消磨詞華亦頽廢

贈句有精神  
縹氣多之語  
當年恣漁獵志越誠有在  
銳意滌庸常切

齒唾燕穢法律右韓黃鮑謝尤寵貴詎敢嗜蝨蟻

東坡謂山

谷之詩如食蝨蟻少食甚  
佳多食則令人發重  
欲以矯時吹誠哉宏達言寸

心不能昧所恨荒於嬉  
精爽便交退願君揚正音  
驥步

追前輩

弱冠受詩書翹然抗先哲  
居僻寡同聲樸野無磋切  
泊乎瀾風塵古調益卷舌  
何期衰俗中諸公學不輟  
淺深雖異同要各有圭臬  
慎齋樹宏達卓犖文壇杰  
曉岑苦推敲沖淡如冰潔  
寶卿唱和之亦已肱三折  
漢卿識力超咄晤誠不屑  
風雅振南陲信可媿前烈  
道咸大詩翁

原缺



經巢與侍雪邵亭張其軍是亦錚錚鐵袞徽二十年宗  
風寢中絕諸君勃然興壇坫爭頑頡他年陳采風可補  
輜軒使

送黃循樓太守北上余時有威甯之役先此畱別  
相見已嫌遲相別又苦速違我素心人揮手淚盈掬知  
音世所希何況同心腹君如天際鴻我若轅閒犢鴻飛  
有定時犢繫憑人牧騏驎不逢時服乘常局促不得送  
君行令我腸轉殺君歸誠有時我蹤難預卜萍蓬隨風  
遷何日共盤肉安得爲雲龍上下相徵逐

昨者讀君詩知君學奧衍餘事作詞章根柢鬱墳典識

力固卓犖醞釀復不淺小試已絕倫而况全力展良玉  
善深藏精光常外顯相與辯古今令我舌鋒卷當代推  
學人文章遇和扁願築受降城束縛聽驅遣欲窺夫子  
牆其各交相勉

邾莒亦屈強羣空東南陞非逢齊楚雄不肯受羈縻孤  
桐發古調病耳誠難知謀爲汗漫游愜仰未逢時人生  
各有會風雲甯獨遲第恐君南歸我復將他之蹤跡故  
相左世事難自持音問當可通會面將安期所以君此  
行我心獨淒其余情夙苦眞何况新別離但願素心人  
千里長相思徘徊雙鯉魚慰我腸中私此去各努力爻

象占明夷

別瓦閣青

光祿

同年

明知非遠別其奈寸心何已恨相逢晚偏教去日多性  
情曰骨肉時事尚干戈籌策吾何敢中宵劍自磨

時照通會

匪撤二開作亂余方從軍威甯故及之

甫聚卽旋散舊交情更親會疏心轉密別久意逾眞零  
雨勞王事秋風感賤臣相逢誠未遠無奈爲依人

貴門道顏

公督軍威甯勦辦會匪余勸其事

感懷寄內

人生如浮萍隨風爲聚散浮萍本無根吾生復何戀得

坎便息止乘流卽遷變隨所適而適萬事難成算古今  
顯達人豈必皆先見際會使之然得來良易傾造物賦  
性初固已窮通判富貴學而能人誰不豔羨所以漆園  
吏是非如一片但求意所安匪必人爭銜苦中以媚外  
此計誠非善人心各有好不同如其面削趾以適履雖  
貴何殊賤桀犬亦吠堯世事雲煙幻飽食卽是富不必  
藏百萬無求卽是貴不必定顯宦是非由愛憎今古疇  
能辨未得若欲慕已得卽厭賤人情古如斯誠難別河  
漢吾生三十年腹笥飽書卷早已齊彭殤萬事不塵念  
四海若巨庭百年等飛電不惟寡營求亦且無虛願是

色卽是空此旨悟一貫夙慕逍遙遊無物足羈絆當年  
萬里行九州跡殆徧不識別離心未有羈棲歎自具英  
雄姿不爲兒女牽一自與君偕壯志消磨半一日不見  
君遠若三秋換好書不耐觀美食不下嚙一日憂萬端  
頃刻腸千斷遠山想君眉秋波憶君盼坐令朱顏凋孰  
共齊眉案淒淒宋玉愁耿耿長門怨良夜不成眠傍徨  
常達旦困廬今尙存何苦蹈憂患冬盡卽來歸何心久  
戀棧顏色倘如新衣裳得無綻自愧乏良圖未克美輪  
奐雖然擁阿嬌金屋無由辦天寒翠袖單蠅蛸沿戶罨  
坐使海棠姿好殿厨與鬢何時展君顏當戶發一粲慙

蟀近在牀秋思生客館君如念遠人知亦懷繼繼悠悠  
我之思縷縷紛如線相思書寄君勿作常言看

庚辰歲寓居都門晤同年瓦君閣青爲余道楊君

慎齋阮君小岑爲近時畢節詩人魁碩是時余

方撰訂黔詩成六十餘卷亟欲得同志仇商恨

無由晤今年夏余從西道顏子布

培廬

來畢節

得交楊君旣而獲交阮君已而每過訪楊君而

阮君必在是亦文字之緣也賦五字長篇奉柬

風雅久不作正聲寢淪亡黃鐘大呂音不入俗子腸詩

詞雖小道亦自視中藏洎乎咸同來此道闇不彰寥落

四大中競趨名利場有或效眉顰風骨靡不揚忘源稱

李杜濫觴師小倉喁喁小兒女安挽十石強年來徵文

獻搜羅徧梓邦披沙揀金屑刪訂費評量屈指老詩翁

龍友雪鴻堂

揚龍友謝君采

淮海與滋大

孫文恭公淮海吳滋大

足以相

頡頏國朝盛人文後鄭

子尹先生

前漁璜

周起渭富詹

二潘并四

子

潘馴潘淳尤西樵唐金傅竹莊李白雲

亦各具門牆潘淳更清妙西樵

頗粗儉直夫

趙直夫

豪俊才近體臻三唐邵亭極烹鍊漢

魏兼陳黃吾家侍雪翁

先伯有侍雪堂集

豪放未易當筱亭

叔

庶與椒園

先叔庶蕃

小品亦擅長年不竟其學荻洲與禾莊

史蕪洲戴禾

莊均早卒餘子不足數村謔效笙簧未嘗此問津何

蕪宰溪廬詩鈔卷上

分上下牀夙聞揚阮

慎齋小岑

名今爲詩教倡亟思執灑掃

一登君子堂覲面如故人令我眉飛揚以挺扣洪鐘以

指測汪洋甫誦一二篇燦然雲錦章扶輪推大雅允爲

吾道昌噫余寡問學加之書徑荒得展珠玉篇類泚增

傍徨願舉全黔詩丐君同訂商席幾鄉先達千載垂芬

芳人生如朝露歲月不可常常留沒世名上齊日月光

夢死與醉生朽腐良可傷少小思古人宿志無由償風

塵三十年朱顏倏老蒼坐使好居諸都爲衣食忙志氣

日衰藹撫膺足慚惶良友那易得何況金玉相但冀各

努力和聲繼漢唐吾將駕長鯨濯足游扶桑

時余將出使日本故



之及

辛巳十月余從西道顏公

培鼎

往威甯草軍檄事

甫定適奉調出使日本十月廿六日由畢節起

程留別邑中諸子十首

大雪滿天地何心尙遠游  
遲回度關嶺悽惻別朋儔  
立馬千山暮乘槎一葉浮  
諸公如記憶相望海東頭

未踐消寒約空勞虛左情

慎齋諸君爲消寒詩社邀余主牛耳

倉皇辭故

侶慚愧負詩盟佳句郵天末  
奇聞付紀程淒涼仲容叟

後會訂他生

阮小岑病叢年又衰老

五福一身備兼優詞賦才文章  
成霸業風雅屬量裁花

夷牢溪廬詩鈔卷二

五

月供吟詠江山付酒杯黯然一揮手何日約重陪

別楊慎齋

孝廉

氣欲吞餘子光芒萬丈長風騷追兩漢格律陋三唐隱

負匡時畧須逢際會昌勿勞重相念期與試明光

別楊漢清

同

昔日題名處惟君最妙年詞華標落落風韻獨翩翩辛

苦曾予共艱難獨我憐寸心無可白相對倍潸然

別瓦閣青

同

傲吏閒如此新詩健益奇文章追李杜氣韻若蘭芝覲

面原非暫知心毋乃遲天涯一回首何以寄相思

別張龍門

少尉

仲容雙眼白於我，獨情深一飯。知難報寸心安，可尋豈能期。後會空自寄，遐心惟有長。相憶爲君反復吟。

別阮小岑

詩老

交道日儂薄，如君能幾人。艱難勞獨任，急義不嫌頻。赤

膽增銘泐，黃金見性真。此身應有報，笑我豈長貧。

別王午晴

去國九千里，音書未易通。北方猶勁敵，東海尙雄風。爭戰非今事，齊盟莫論功。聖朝柔遠日，原不類和戎。

千古英雄淚，都爲意氣傾。千金知莫報，一飯豈忘情。秦相思綈錦，高皇惡頡頏。相從不相識，匣劍夜深鳴。

辛巳八月畢節道署寄內

得君數行書令我幽思解十日乏書來常倚空齋待  
容易又秋風光陰流水去人生幾華年忍使別離度  
見時覺日短別時苦日長望到嘉平月爲君整衣裳  
苦嫌白日長暗惜紅顏老黃金買別離隱隱傷懷抱  
濃豔復芬芳離離春日長坐令名花老空教蜂蝶狂  
我本學道人放眼空萬象惟有惜花心耿耿不可狀  
秋雨綿綿下鄉愁黯黯生思君當此夕獨坐不勝情  
誤作良家婦良人悵遠行何如村父子不識別離情  
願得一心人白頭不相離班姬此時怨問君知不知

我有三畝宅猶能託此身  
如何不早計終歲老風塵

夷牢溪廬詩鈔卷二終

夷牢溪廬詩鈔卷二